

Zakon o drzavnoj Granicnoj sluzbi

Zbog kontinuiranog propusta Zastupnickog doma BiH da usvoji Zakon o drzavnoj Granicnoj sluzbi, Visoki predstavnik, Wolfgang Petritsch, je odlucio da proglasi ovaj neophodni zakon.

Visoki predstavnik je krajnje nezadovoljan nesposobnoscu i nespremnoscu srpskih poslanika u Zastupnickom domu BiH da zastupaju interese postenih ljudi BiH. Bosni i Hercegovini je hitno potrebna Granicna sluzba. Ova sluzba predstavlja kljuc njene integracije u Evropu; svaka zemlja u Evropi mora imati kontrolu nad svojim granicama. Granicna sluzba ce pomoci u borbi protiv krijumcarenja, kriminala i nelegalne imigracije, koji predstavljaju velike probleme u BiH. Takodjer ce povecati carinske prihode za Entitete, koji se mogu iskoristiti za placanje drzavnih obaveza kao sto je izgradnja i vodjenje dobrih skola i bolnica, izgradnja novih puteva te ekonomski oporavak ukljucujuci i stvaranje radnih mjesta.

Visoki predstavnik zeli da narodu BiH saopsti jasnu poruku: "Necu dozvoliti da nekoliko neodgovornih drzavnih predstavnika iz RS osujete nade cijele zemlje za prosperitetnom i otvorenom buducnoscu. Ovi zvanicnici tvrde da stite takozvane nacionalne interese RS i njenih gradjana. Ali, cinjenica je da oni ovakvim opstruiranjem u stvari stete razvoju svog entiteta i blagostanju svojih gradjana."

Visoki predstavnik nije spreman da prihvati ocito zanemarivanje interesa gradjana Bosne i Hercegovine i buducnosti ove zemlje; Dejtonskog mirovnog sporazuma, Madridske deklaracije Vijeca za implementaciju mira te Njujorske deklaracije Predsjednistva. Opstrukcija nije opcija.

Koncept Odgovornosti Visokog predstavnika trazi da vlasti i

institucije Bosne i Hercegovine uzmu budućnost zemlje u svoje vlastite ruke. Nažalost, Zastupnički dom BiH je pokazao da ova institucija nije spremna da osigura vodstvo koje je potrebno da bi se BiH povelala u Evropu i u naprednu i demokratsku budućnost. Zastupnički dom BiH je pao na svom prvom bitnom testu da preuzme Odgovornost i da odgovorno izvrši svoje dužnosti.

OHR je tijesno saradjivao sa institucijama BiH u toku proteklih sedam mjeseci kako bi stvorio profesionalnu državnu Granicnu službu da bi se zaštitio integritet granica BiH. U mjesecu junu 1999. godine, Predsjedništvo BiH je potpisalo izjavu o preuzimanju političke obaveze za uspostavljanje državne Granicne službe. Predsjedništvo je formiralo ekspertnu radnu grupu, sačinjenu od predstavnika Ministarstva civilnih poslova i komunikacija te entitetskih ministarstava unutrašnjih poslova, kako bi ista finalizirala nacrt zakona pripremljen od strane OHR-a. Tokom mnogih sastanaka te nakon mnogo obavljenih razgovora, OHR je uputio uskladjen nacrt zakona Predsjedništvu BiH kojim se uspostavlja državna Granicna služba namijenjena za borbu protiv krijumčarenja, nelegalne imigracije, te prekograničnog kriminala koji se svakodnevno desava na granicama BiH.

Predsjedništvo BiH je u New Yorku preuzelo obavezu prema Vijecu bezbjednosti UN-a da uspostavi državnu Granicnu službu koja će operirati kao institucija državnog nivoa uz i u suradnji sa entitetskim vlastima. Predsjedništvo je 24. novembra 1999. godine odobrilo nacrt zakona i uputilo isti Parlamentu BiH na dužno razmatranje. Nažalost, upravo tada je Zastupnički dom BiH započeo sa ugrožavanjem konsenzusa postignutog nakon toliko mnogo ulozenog rada. Tada su srpski poslanici u Zastupničkom domu BiH počeli da obezvrijeđuju ovu instituciju koristeći je kao forum za ograničene sebične interese, neosnovane izjave o suverenitetu i odbacivanje Dejtonskog mirovnog sporazuma i Ustava BiH.

Zbog toga, Visoki predstavnik proglašava Zakon o državnoj

Granicnoj sluzbi i ucinit ce sve sto je u njegovoj moci da stvori profesionalnu sluzbu koja ce se boriti protiv korupcije i kriminala na granicama. S tim u vezi, Visoki predstavnik ce, zajedno sa Misijom Ujedinjenih nacija u BiH (UNMIBH), saradjivati sa Ministarstvom civilnih poslova i komunikacija te ocekuje da Ministarstvo odmah provede obaveze koje ima u skladu sa Zakonom o drzavnoj Granicnoj sluzbi.